

ხელშეკრულება N16
მომსახურების შესყიდვის შესახებ
(გამარტივებული ელექტრონული ტენდერი)

21 ივლისი 2017 წელი

ქ.თბილისი

ერთის მხრივ შპს „სტარტაპ საქართველო“ (შემდგომში „შემსყიდველი“) წარმოდგენილი მისი დირექტორის ვაჟა მენაბდის სახით და მეორეს მხრივ შპს „ტელეკომპანია პირველი“ (შემდგომში „მიმწოდებელი“) წარმოდგენილი მისი დირექტორის პაატა კაკაურიძის სახით, „სახელმწიფო შესყიდვების შესახებ“ საქართველოს კანონისა და და გამარტივებულ ელექტრონულ ტენდერში (**SPA170007234**) გამარჯვებული პრეტენდენტის სატენდერო წინადადების საფუძველზე, დებენ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

- 2.1. ხელშეკრულების საგანს წარმოადგენს სარეკლამო და მარკეტინგული მომსახურებების შესყიდვა (CPV 79340000).

3. მომსახურების გაწევის პირობები

- 3.1. მიმწოდებელი მომსახურებას გაუწევს შემსყიდველს ფასების ცხრილის (დანართი 1) და სატენდერო განაცხადის (დანართი 2) შესაბამისად (CPV 79340000).

3.2. მომსახურების გაწევა განხორციელდება ხელშეკრულების გაფორმებიდან 2017 წლის 31 დეკემბრის ჩათვლით.

4. სახელშეკრულებო ღირებულება

4.1. საერთო სახელშეკრულებო ღირებულება შეადგენს 14 160 (თოთხმეტი ათას ასსამოცი) ლარს.

4.2. ხელშეკრულების ღირებულება მოიცავს როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს.

5. ანგარიშსწორების პირობები

5.1. ყოველი თვის ბოლოს „შემსყიდველსა“ და „მიმწოდებელს“ შორის გაფორმდება მიღება-ჩაბარების აქტი.

5.2. ანგარიშსწორება მიმწოდებელთან ხორციელდება უნაღდო ანგარიშსწორების წესით, „მიმწოდებლის“ მიერ მითითებულ საბანკო ანგარიშზე.

5.3. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი და საგადასახადო ანგარიშ-ფაქტურა.

5.4. ანგარიშსწორება განხორციელდება ყოველთვიურად, 5.3. პუნქტით გათვალისწინებული დოკუმენტების წარმოდგენიდან 10 (ათი) სამუშაო დღის განმავლობაში.

6. ხარისხი

6.1. მომსახურების ხარისხი უნდა შეესაბამებოდეს დადგენილ სტანდარტებს და აკმაყოფილებდეს ხელშეკრულების პირობებს.

7. მხარეთა უფლება-მოვალეობები

7.1. შემსყიდველი უფლებამოსილია:

7.1.1. აწარმოოს მიმწოდებლის მიერ ნაკისრი ვალდებულებების შესრულებისა და გაწეული მომსახურების ხარისხის კონტროლი;

7.1.2. განაცხადოს უარი დაგვიანებით მიწოდებული, უხარისხო (წუნდებული) ან არასრული მოცულობით გაწეული მომსახურების მიღებაზე;

7.1.3. ჩაატაროს ინსპექტირება, რისთვისაც გამოყოფს უფლებამოსილ პირს, საჭიროების შემთხვევაში ჩაატაროს ხარისხის კონტროლი, რისთვისაც შესაძლებელია მოწვეულ იქნეს ექსპერტი.

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან წინამდებარე ხელშეკრულების მე-5 მუხლით გათვალისწინებული პირობებით;

7.2.2. დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.3. მიმწოდებელი უფლებამოსილია:

7.3.1. მიიღოს გაწეული მომსახურებისათვის ხელშეკრულებით გათვალისწინებული ანაზღაურება;

7.4. მიმწოდებელი ვალდებულია:

7.4.1. უზრუნველყოს ხელშეკრულების მოქმედების განმავლობაში შემსყიდველისათვის ხარისხიანი მომსახურების გაწევა;

7.4.2. უზრუნველყოს მიწოდებულ მომსახურებაზე გამოვლენილი დეფექტებისა და ნაკლოვანების აღმოფხვრა საკუთარი ხარჯით;

7.4.3. ხელი შეუწყოს შემსყიდველს ინსპექტირების ჩატარების დროს.

8. ინსპექტირება

8.1. შემსყიდველის მიერ ხელშეკრულების ინსპექტირება განხორციელდება ხელშეკრულების მოქმედების პერიოდში, შემსყიდველის მოთხოვნების შესაბამისად;

8.2. ინსპექტირებას და მიღება-ჩაბარების აქტზე ხელმოწერას განახორციელებს შესყიდვების სპეციალისტი ნათია ოდიშარია;

8.3. შემსყიდველის შესაბამისი წარმომადგენლის (წარმომადგენლები, მოწვეული ექსპერტი) მიერ ხარისხის კონტროლის ჩატარების შემთხვევაში თუ აღმოჩნდება წუნდებული მომსახურება, შემსყიდველი აცნობებს მიმწოდებელს წერილობით ამის შესახებ, ხოლო მიმწოდებელი ვალდებულია წერილობითი შეტყობინებიდან დაუყოვნებლივ გამოასწოროს წუნი.

9. ხელშეკრულებაში ცვლილებების შეტანა, ხელშეკრულების შეწყვეტა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა;

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;

9.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია გაიზარდოს სახელშეკრულებო ღირებულება არაუმეტეს სახელმწიფო შესყიდვის შესახებ ხელშეკრულების ჯამური ღირებულების 10 (ათი) პროცენტისა;

9.5. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმება) სახით, რომელიც ჩაითვლება ხელშეკრულების განუყოფელ ნაწილად.

9.6. ხელშეკრულება ან მისი რომელიმე დებულება შესაძლებელია შეწყდეს მხარეთა

ინიციატივით, წერილობითი შეთანხმების საფუძველზე.

10. ხელშეკრულების პირობების შეუსრულებლობა

10.1. ხელშეკრულების პირობების არაჯეროვანი შესრულების ან/და დაგვიანებით შესრულების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ს ოდენობით.

10.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

10.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, მხარეებს უფლება აქვთ შეწყვიტონ ხელშეკრულება.

11. დაუძლეველი ძალა (ფორს-მაჟორი)

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს-მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. სადაო საკითხების გადაწყვეტა

12.1. შემსყიდველის მიერ მოწოდებული მასალების მიმწოდებლის მიერ გავრცელებისას მოწოდებული მასალების შინაარსზე, გამოხატვაზე, სიწორეზე, ასევე მათთან დაკავშირებულ საავტორო უფლებების დარღვევაზე პასუხისმგებელია შემსყიდველი.

12.2. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარდონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.3. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს.

13. ხელშეკრულების ვადა

13.1. წინამდებარე ხელშეკრულება ძალაში შედის მხარეთა ხელმოწერის დღიდან და მოქმედებს 2018 წლის 1 თებერვლამდე.

14. განსაკუთრებული პირობები

14.1. მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით.

14.2. ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს იურიდიული ძალა აქვს.

14.3. ხელშეკრულების ერთი ეგზემპლარი ეგზავნება „მიმწოდებელს“, ხოლო ორი ინახება შემსყიდველ ორგანიზაციაში.

12. მხარეთა ხელმოწერები და რეკვიზიტები

შემსყიდველი

შპს „სტარტაპ საქართველო“
ი/მ ქ. თბილისი, ინოვაციების ქ. N7
ფ/მ ქ. თბილისი, ვუკოლ ბერიძის ქ. N6
ს/კ 404 515 468

დირექტორი

ვაჟა მენაბდე

მიმწოდებელი

შპს „ტელეკომპანია პირველი“
ი/მ ქ. თბილისი, ზოვრეთისა და
მგალობლიშვილის ქუჩების კუთხეში
ფ/მ ქ. თბილისი, ზოვრეთის ქ. N1
სს „თიბისი ბანკი“
ბანკის კოდი: TBCBGE22
ა/ა GE31 TB70 5403 6020 1000 08
ს/კ 405 034 190
დირექტორი

პაატო კაკაურიძე



ფასების ცხრილი					დანართი N1
პრეტენდენტის დასახელება: შპს ტელეკომპანია პირველი					
N	მომსახურების დასახელება	გაწმომილების ერთეული	რაოდენობა	ერთეულის ღირებულება	საერთო ღირებულება
1	სატელევიზიო რეპორტაჟების მომზადება და განთავსება	ცალი	24	590	14 160

შენიშვნა:

- სატენდერო წინადადების ფასი უნდა შეიცავდეს შესყიდვის ობიექტის მოწოდებასთან დაკავშირებულ, საქართველოს კანონმდებლობით გათვალისწინებულ ყველა სახის გადასახადს.
- თუ პრეტენდენტი არ არის დღგ-ს გადამხდელი, საქართველოს კანონმდებლობის შესაბამისად, მისი სატენდერო წინადადება წარმოდგენილი უნდა იყოს დღგ-ს გარეშე (პრეტენდენტმა შენაშენის სახით უნდა მიუთითოს რის საფუძველზე არ ითვლება დღგ-ს გადახდელად).
- პროდუქციის ერთეულის ფასსა და საერთო ფასს შორის სხვაობის შემთხვევაში უპირატესობა ენიჭება პროდუქციის ერთეულის ფასს.

პრეტენდენტის ხელმოწერა და ბეჭედი



29 მაისის, 2017წ.

ტენდერი #: SPA170007234
შემსყიდველი: შპს „სტარტაპ საქართველო“
მიმწოდებელი: შპს „ტელეკომპანია პირველი“

სატენდერო განაცხადი

ამ წერილით და თანდართული დანართებით წარმოდგიდგენთ შპს „ტელეკომპანია პირველის“ სატენდერო დოკუმენტაციას.

ტელეკომპანია პირველი ეთერში 2015 წლის 2 მარტიდან მაუწყებლობს და მზარდი რეიტინგითა და აუდიტორიის მაღალი ლოიალობით გამოირჩევა.

ტვ პირველის ეთერში ორშაბათიდან პარასკევის ჩათვლით, ყოველდღიურად ეკონომიკური ფორმატის ოთხი ბიზნესგადაცემა გადის შემდეგ დროებზე:

08:00-11:00	საქმიანი დილა
11:00-12:00	ქალების ნარატივი
15:00-16:00	საქმის კურსი
22:30-23:00	საქმი კურსი

ასევე შაბათ-კვირას ეთერში გადის საქმის კურსის 5-10წუთიანი დაიჯესტები, რომლებიც კვირის ყველაზე აქტუალურ ბიზნესმოვლენებს მიმოიხილავს.

ტვ პირველი სრულად აკმაყოფილებს ტენდერით მოთხოვნილ საკვალიფიკაციო მოთხოვნებს, კერძოდ:

სამიზნე აუდიტორიაზე 18+ 2016 წლის მე-4 კვარტალში შპს „თი-ვი ემ-არ საქართველოს“ (Nielsen)-ის მონაცემებზე დაყრდნობით პრაიმ-ტაიმში ტვ პირველის რეიტინგი AMR% იყო 0,61% და არა პრაიმ-ტაიმში - 0,25%, ხოლო ამავე პერიოდის RCH% - 11,20%. ამის დასტურად, დოკუმენტაციას თან ერთვის შპს „თი-ვი ემ-არ საქართველო“-ს წერილის ასლი.

ტვ პირველს აქვს შესაძლებლობა სრულად უზრუნველყოს ტენდერით მოთხოვნილი მომსახურება, კერძოდ ხელშეკრულების გაფორმებიდან 2017 წლის 31 დეკემბრამდე:

1. მოამზადოს 24 (ოცდაოთხი) სატელევიზიო რეპორტაჟი როგორც თბილისში, ასევე საქართველოს სხვადასხვა რეგიონში სიუჟეტიდან გამომდინარე
2. განათავსოს თითოეული რეპორტაჟი ეკონომიკური ფორმატის ბიზნესგადაცემებში 2-ჯერ
3. დააკმაყოფილოს რეპორტაჟის მიმართ შემდეგი მოთხოვნები:
 - ქრონომეტრაჟი - არანაკლებ 4 წთ.
 - მაღალი ხარისხის ვიდეოგამოსახულება
 - კადრირების სწორი რიტმი
 - ლაკონური ტექსტი
 - მისადაგებული მუსიკალური რიტმი
 - მკვეთრი გამოსახულება, ბუნდოვანების და ტექნიკური წუნის გარეშე
 - დაცული ხმის ბალანსი
 - დაცული ქართული ლიტერატურული ენის ნორმები, მათ შორის გამართული მეტყველება/დიქცია
 - ვიდეოფორმატი:
FULL HD 1920 X 1080 pixel Full HD (1920x1080) 1080p. mp4 25fps (H264 მაღალი ხარისხის კომპრესით, "HighBitRate" რეჟიმი, მინიმუმ 30 mbps.) Full HD (1920x1080) 1080p. Quicktime mov 25fps (H264 მაღალი ხარისხის კომპრესით ან ფოტო PG-100% quality)
 - კადრების სიხშირე: არანაკლებ 25 კადრი/წამში
 - აუდიოფორმატი: 48.000 kHz Stereo

ტელეკომპანია პირველის რეკვიზიტებია:

შპს „ტელეკომპანია პირველი“

დირექტორი: პაატა კაკაურიძე

იურ. მის: ქ. თბილისი, ზოვრეთისა და მგალობლიშვილის ქუჩების კუთხეში

ფაქტ. მის: ქ. თბილისი, ზოვრეთის ქ. #1

ს.ს. „თბილისი ბანკი“

ბანკის კოდი: TBCBGE22

ანგარიშის #: GE31TB7054036020100008

საიდენტიფიკაციო კოდი: 405034190

პატივისცემით,

პაატა კაკაურიძე
დირექტორი



nielsen

Nielsen Television
Audience Measurement

თი-30 ქმ-არ საქართველო
თბილისი, ვაჟა-ფშაველას გამზ. 1ბ, მე-9 სართული, 0160, საქართველო
ტელ: 2380820; ფაქსი: 2380820

TV MR GE

16, Vazha-Pshavela Ave. 9th floor. 0160 Tbilisi. Georgia
Tel: (+995 32) 2380862 Fax: (+995 32) 2380820

ც ნ ო ბ ა

ვადასტურებთ, რომ ქვემოთ მოყვანილი მონაცემები სრულად შეესაბამება ჩვენი კომპანიის მიერ ჩატარებული კვლევის შედეგებს:

Period: 01.10.2016-31.12.2016

Target: 18+

Channel	SHR %	AMR %
Rustavi2	29.05%	5.79%
Imedi	22.29%	4.44%
New channel/Comedy	4.74%	0.94%
GDS	4.38%	0.87%
Maestro	4.36%	0.87%
Channel 1	3.82%	0.76%
Marao	1.94%	0.39%
TV Pirveli	1.69%	0.34%
Kavkasiya	0.57%	0.11%
Music Box	0.30%	0.06%

2016 წლის ბოლო კვარტლის საშუალო დღიური მოცვა	
Channel	RCH %
Rustavi2	47.72%
Imedi	42.94%
New channel/Comedy	21.73%
GDS	21.62%
Channel 1	20.37%
Maestro	17.15%
Marao	14.15%
TV Pirveli	11.20%
Kavkasiya	7.88%
Music Box	4.04%

Prime Time 18:00-23:59	
Channel	AMR %
Rustavi2	11.40%
Imedi	9.24%
New channel/Comedy	1.81%
Maestro	1.47%
GDS	1.43%
Channel 1	1.20%
Marao	0.67%
TV Pirveli	0.61%
Kavkasiya	0.21%
Music Box	0.10%

Off Prime Time 02:00-17:59, 24:00-25:59	
Channel	AMR %
Rustavi2	3.91%
Imedi	2.84%
GDS	0.69%
Maestro	0.67%
New channel/Comedy	0.65%
Channel 1	0.61%
Marao	0.29%
TV Pirveli	0.25%
Kavkasiya	0.08%
Music Box	0.05%

ცნობა ეძლევა კომპანია შპს "ტელეკომპანია პირველი"-ს, ს/კ 405034190, დანიშნულებისამებრ წარსადგენად.

ნინო გოგოლაძე,
დირექტორი
29/05/2017

